

東洲草堂詩鈔

東洲艸堂詩鈔卷二

道州 何紹基 子貞

送黃香鐵下第南旋

庚辰

喈喈復喈喈離緒不可擘一笑別何難風雨隔昕夕阿連屬好事寫此歸舟冊江天一萬重鄉廬苦逼窄一日身未歸一日痼痕積堂堂幾歲月著紙已有迹君亟持此歸懸之北堂壁東湖與西湖爲君洗魂魄兒兮將毋游歸舟成泛宅

子親爲作天際歸舟圖

昔讀昌黎詩一語頗難理令名貽家尊何事青與紫既而知不然亦視其具耳君復苦卓犖仰屋淚流泚老母黎其顏妻孥乾其齒第恐貧仕謀于今獨難矣不見長安中高門冒雲起昔富游俠兒今多貴人子吐氣不可收長虹互天咫

猗哉黃生者文章尤超羣萬膽圍一身寸鐵揮千軍騏驎屹天

秀符采呈繽紛基也媿鴛鴦鈍妄意追蘭筋蘭蕙異根節臭味同
其薰鸞鷁各分飛毛羽同其文遺我真龍鏡百鍊持贈君妍媸
互照耀餘子安能分

生詩如生水要儲不竭源靈脈保一掬萬斛雲濤翻養詩如養
花唯恐傷其根扶培到質幹自爾芟蕪煩君詩何磊落奇意青
霞奔近復斂使入往往揆微元我懦願君勉益令和且敦萬象
靜摩剌一氣清乾坤山溪閼風雨孕此瓊瑤琨它年峙天廟純
華千禩杼

擬廢詩 晨過王魯之知尙在廢中也作此索和

閒身如野鳥局促在籠樊方寸隘瀛壖萬古餘乾坤更有大樂
國夷易無峻嶒先生抱奇術持以付廢魂但能快肝膈那惜拳
肩跟近日苦霖潦惟有寐者尊昨夜子何夢神藥意吐吞廢爲

大胡蜨駢翅如雲騫揚華儷霄質飛雨入野原旋忽細如蛹吸
露瓊瑤根脈脈聽以息津津娛我元剝啄復剝啄客至庭雀喧
君臥尙展轉代君作而言人閒有榮落上界無晴昏能從我游
者歸歟淡閉門

王先生詩 王明經平舫之族叔也平舫道先生事甚
悉因寄贈此詩

王先生安化人字匯泉隱居行義於其鄉家香鑪峰之麓資江
之陽崇山峭崿水流湯湯彼族者雲在山之中而雨於其莊禱
與先生含穎佩芳唯鄉之中學有舍川有梁唯鄉之人痒其朋
疇其自先生顧之鬱思轉腸一日之思而百歲量一簞之稿而
千金裝必周必理必固秩秩以成章不以文富獨以道昌不以
文耀永以德藏彼務虛而挺華如舉斗杓酌帝之漿終日昂然

疵癘弗除而物不飾厥荒孰如先生信仁德厚而遠揚惜哉有
司不得薦不登於明堂願書其行以訓於方小子幼有志舉俗
登悅康自讀古人書今三尺而強其實用之菽粟不用皆琳瑯
聞先生風坐起翊惶它日而不得爲監牧守令以輔我
皇極願懋厥德以爲鄉邑良君不見彼伏者也而王先生隱居
行義於其鄉

三弟子樸以高勾驪昔牋作朱絲冊索王魯之書蒙賜
詩題賞語極偉麗輒和其韵

瑤華一片飛琴麗駢英儷實自偶奇恬毫忍墨不溢紙斗牛閒
氣浮遠瀟偉哉大言析新奧僅以詩論猶目皮我聞此紙大清
淨鋪霞洗雪無迷離天風曉戾玉卵繭海水夜沸靈娥絲收拾
經綸到元樸鉤繞霧露相淋漓幻出蒼牋更詭麗重溟徑渡潛

龍疑駢羅忽訝紫雲見排比賴有朱繩齊先生他日拓宏績當
如此紙良復宜緯茲大文果無媿返我太素尤徵奇詩成一笑
兩頤墮有似鬪獸掀塗泥癡龍作雨謝無術蠹魚不仙空爾爲
握筆忽訝持寸鐵牕中按劍知嗔誰

得黃大書卻寄

平居意兀兀閉戶忘飢困故人千里書惻惻念餐飯祇因行路
難兼之別離遠強學兒女詞慰我豪士恨自念秋涉冬未免逐
塵空僅畱半卷書晨昏相繼繼古人心上血積紙厚一寸鬱爲
九光霞吸之起疲頓吾乃今之愚學古是其願神追窮奧窅目
昧苦沈悶雖知力已竭魂窘不敢遁光怪時自發燭花作星噴
爲朱叔明題畫蝦

蝦生奇譎姿昂然列水族摹寫苦難肖劉君技誠獨

畫者爲劉
姓當日有

蝦米劉之名想其倚蘆葭那復辨淮瀆倏如尺蠖伸忽作癡龍縮海
馬雖無腸水母以爲目物各具短長以羨補不足居止無廉讓
形迹閒清濁賴負不潔材獲遂悠然躅點筆出新意紙上疑可
掬見色想其味不覺流涎俗惜哉畫餅虛負我新醅熟朱翁蹶
然笑髯兮未可辱昔人侶魚蝦何忍食其肉多鬚而善游吾固
蝦之屬叔明多鬚

庚辰十一月二十七日夜寒特甚時讀吳菊裳其山苦
寒詩因和其韻

年年苦寒熱人意自迴逐招涼競適野博煩歡繞屋今夏炎鬱
增煨燂劇始伏徂冬氣嚴梗獮飈日剝啄冷色凝如塵紛紛墮
遙目冰霜鎖刻厲乾坤互拳跼誰家貴人子拍腰詫炎燠鑪鼎
獻必雙桐匏奏匪獨呼鴈來豔賓煮茗走頑僕長春懸錦帳防

風試香粥門前灌園老支形學蛭縮縛茹等浮艇添薪勝持玉
伸眉笑哆口吾計詎云蹙不見夜號人晨僵在空谷繫余復已
甚敲牀疊衿襪破甕餘宿醪斷甕覺冷救檐淡凍雀語櫺重宵
犬觸持鐙味良永把卷意逾肅雖寒亦何怨天心匪吾酷惟憶
江南梅十年寄蒼麓新香悅延袖舊癯塞滿腹元鶴磔然鳴吟
聲與斷續院柝森沈沈鄰雞漸喔喔蒙頭不覺寐那計晦與旭

題盛尹齋清谿遇鶴圖

尹齋先生抱鶴性翔神迂步清且夷凡鳥啁啾等鳩鷯文章爛
漫嗤鸛鷄人兮鶴兮渺誰識清谿一擢蘆之碕霞鮮浪響洗塵
宇若仙之人所見稀蒼雪入秋鬢拂拂紫煙破曉光霏霏世人
掘堞解好鶴葉公龍癖真者希先生形構實神遇問鶴欲語昂
而睇桑田瞥憶幾千載曾瞻虞陞聆薰微子予卻復到人世八

宇曠朗人民非澄汰員海渺一勾何勞更指蓬壺歸蓋壤秋高
日月古江湖水闊菰蒲肥十洲三島若眼底好共沙田自在飛
偶與仲弟研芸爲周子堅作小印數方蒙以小詞招飲
研芸旣和其詞余亦先以詩謝

辛巳

點鐵拳石醇而凝寸鐵蹴起旋風馳擊底礪硯動真宰怒雲夜
挾精靈垂筆自籀文迄小篆摹印古法多紛歧我家兄弟夙好
此操刀未敢同兒嬉祇慙才腐力尤蹇自哂目效神難追君畜
佳珉等球璧謬令雕琢爲華滋漫誦秦文軼螭圖當酬魯酒饒
豐甄遷延赧縮不及謝區區寸語陳其私從來文物以人重況
乃姓字森屢屢歐公筆格范公芻觀者寶溢千尊彝願君祓躬
峻厥德庶幾蔚鬱隆聲施此印千年永示後動搖雲日光陸離
宏才博古襲元雅一一鉤鈎窮根涯創自何人出何手道光元

祀春之基咄哉法物不可玩疑有神鬼來摩持斯時爾我介仙
籍定當拍手歡脫頤不然南山白石爛刺眼笑拾訶牛兒非樸
非郁黯無色大恨不換聚與梨縱有緹楹寶康瓠煙塵霧露誰
占睇噫唏賤子念及此春風古淚如延磨勛哉百年勵榮節決
除滓垢相磨治若使鴻名鎮寥落嗟予小技徒爾爲

將出都呈吳蘭雪丈

我生廿三歲始從先生游夙企喜未負今歡欣得稠柴門習屢
叩宿醞無新藹吟聲不出戶獨唱息楚咻大雅久殘歇眾作皆
浮漚噓寒詡郊島逞豔凌枚鄒纖柔侈陶孟狂趨矜曹劉造物
只一器餘子來雕鏤元氣遂苦窳虛墮成贅疣先生倡元風大
力挽頽輶森持一枝筆獨拯萬象囚有時鼓作氣迴野奔羣牛
有時默然息潛淵嬾老虬乃其質厚姿字稜挾鬱迺上入九天

直下襲黃泉幽先生乃言曰吾語子所由吾家古昭武臨汝環
雙流少小負奇氣讀書坐高樓筆峯躡五岳墨海規方州文章
儼鵝鶩逸態追鷲鶴靈椿乍一折寸艸難自蘇披衣露跟肘乞
米艱豆區一第況不就薄祿庸足賙辛風撼四壁凍雨冥千郵
沈淒出吟嘯悲咤填膺喉平生媿忠孝敢遂忘勦獲年來兩足
健徧覽萬里周東游小泰岱南眺窮越甌廬山武夷曲蘭櫂青
竹兜大江屢洞沿一路迎輕鷗勝賞憶孰最投老思羅浮羅浮
萬梅花釀海雲煇煇下有千歲根山腹騰蚴蟉吐爲百重雪妙
藥瓊瑤抽徑騎仙蜨行眼底皆蚍蜉何當辭朝籍願此營菟裘
噫嘻是梅也先生詩與侔根柢鎮蟠孕英華坵萌句以彼逐時
好婉豔偕英彪居然飾蘭蕙無乃嗤蘊陶公今彭澤美政無
與儔壽丈前年我初覲黃堂憩鳴騶吟雲坐官閣語雨明燈篝

一日向我言涕泗先滴澈老友吳少微一別經幾秋西來問寂
寂北顧雲悠悠春明憶昨寢聯襪皆詩侯吳郎最奇宕花底搖
白頭長掉鯨縱壑孤軒鷹脫鞬然而秉貞固演迤爲吟謳千秋
障頽浪一掬懸靈湫咄哉古之健吾黨茲無迷長安汝歸轂爲
我相諮諏我時聽聳默不敢隨咿嚶行行愜所赴中夜驚鞭鞫
望門日願見人事苦逗遛誰知我陶公脫手歸山邱踟躕走且
告老懷增悵惆悵神遘寸臆洵淚盈雙眸匪惟歎契闊亦且悲
才猷宛轉彌新恨駢驟集古愁叢叢百年事促促千歲憂賤子
果何幸三瀆遂蒙求呈詩不及寸珍飾逾琳瑯批卻大講討鑿
彩除瑕尤爲山當造巔刻旃謝部婁學水當窮涯涓滴辭涔漭
諄詳喜且勵大言發區晉鴻才出名節小技殊仙謫功勳典彝
重道德純華畱方今際太平雅頌敷重床願彈先王琴上和虞

廷球陋質敢不勉
于巡前修方當戰
鵬鶚駕言馳駒驅
楚山浩汗來湘水
青如油斲別雙槐
街歸棹一葉舟離
懷滿蘭芷采采臨
中洲

濂谿八景詩

清波洗塵霧茲泉
實神湫逝者已如
此來者知何由森
立忽千嶂阻積勢
疊稠天工不藏拙
地靈不知幽到底
尙如許其下安可
求誰知萬山底氣
與乾坤浮靈脈遂
全涌浩汗不可收
下道百川水上通
洙泗流

濂水尋源

茲山覆瓿然元氣
與爲宅基淡上益
銳中虛貌逾澤東
入徑西出雙門儼
洞闢巖缺青天補
睇影互弦魄或言
公之游觀覽得太
極吾不知其然固
已豁爾適溶溶天
上月鼎鼎地下石
闕破千年落何從
覓行迹

月巖步影

山氣若龍變陰晴相輝光時聞樹濺濺又見煙蒼蒼龍身自隱
伏龍首森昂藏其間八九折依倚成村莊山中有鳴禽亦有花
木香圍山聚雞犬桑柘遙相望使公翼朱室八字登羲皇華胥
不可寢美哉營樂鄉

龍山煙樹

石壁不到天白雲不能上晴雨搆空立番番出屏障古山饒新
意朝昏乃殊狀有如君子容適肅得夷暢羣峯從東來軒軒悅
相向茲山遂昂然勢迫不及讓想見公鬚眉桀卓意彌曠噫唏
後來者逡循果誰抗

牙嶺雲屏

皎潔芙蓉花和煙冒塘水昔好詎成獨臨風憶君子濯濯以自
愛亭亭不相倚靜中來夕芳躁嘗忽已止花光僅盈畝月色自
千里照心同其清照影未必似波濊不動月澄鮮遂如此江湖
風浪闊何處著根蘖

蓮池霽月

行迹不到處偶然春艸生好風一披拂彌壤抽精英遺宅竦然
在斷壁敝其楹庭花尙能笑林鳥來和鳴公兮去千載嘉樹羅
縱橫對此悅顏色見公眞性情繞屋蜂蜨聚放懷風雨清胸中
不迫促萬象皆滋榮

庭艸光風

有礧石壁下羅列五星如是公降生處佳氣鬱以舒連山盡阡
陌繞田皆屋廬當年所躬耕今其子孫居春雨淫犁杷秋風響
簞車幸無迫而弛以負此萬畝父老力穡暇遺事相欬歔日暮
返柴舍閉關聞讀書

星阜春耕

勞者隱於農逸者隱於釣一竿在吾手靜者心與肖白雲馳競
姿長風蒼清嘯石橋逗曲徑憶公先我到磻窈釣人國先生樂
吾道曾無縱壑想且會濠梁奧潛魚豈有心明月恍來照垂綸
不厭久無欲以得妙

石橋晚釣

芝盆歌粹庵叔祖命作

午煙浮浮入林薄細雨初花動春酌酣嬉雜坐四五人胡盧長
頸樽輒腳粹翁驚笑掀髯來我得奇寶璞以灰山中桑蕢萬叢
發忽然獨蕾擎其魁英英嵐氣猶遠出秀若青銅堅似石堂前
彝鉞羅兩廂讓此芝盆居第一隨階度几屐貼平注以尺水澄
圓明崦嵫疑墮古月魄滉漾欲作寒雲聲睇向鐙前豔尤射薄
暈幽香照春夜堯天露襲未應孤玉女頭盆此其亞烏乎噫山
祇有寶誰可測隱霧潛氛定珍惜如何攜挈不自知卻被寒樵
閒拾得或言此物年歲淡佛果仙林同古今年年採蘭客屐裂
芬芳獨抱人難尋根沈實茂久自現暉采照耀逾球琳山中小
艸好自祕微歌對酒還沈吟

兒歸來篇二十首

余自丙寅隨宦入都辛巳秋杪初次南旋抵家一月復
恩恩北上蒙家中父老鍾愛之篤宛然見時光景也別
後成詩二十首非敢言詩聊以寫吾土之思云爾

年年苦說歸歸來竟何似長安兒久居能不思鄉里西風短竹
權今日兒竟歸舊時梁上燕也向故山飛

離家十餘里似識雞犬聲徒步款門至父老相扶迎父老咋而
言兒去時猶小於今都長成迴頭覺吾老

父老聽我言兒今固猶少當年出門時容顏兒能道人生誰百
歲聚散那可說兒歸亦暫耳難免又離別

父老向我言汝歸告而父比者旱魃裁飢寒幸無苦秋風夜作
雨雨我東西園蔬筍尚可飽爲汝供盤飧

終日枉里閭促促顧日影一日設三飧把杯勸兒飲方巾試新

釀瓦盆傾舊醅長安有美酒遜此山中杯

行行訪親故慙慙具雞黍山木烹作羹新筍以爲脯檐鳥窺未醒隔離聞叱犢山中日月長俯笑紅塵促

生者尙如昔死者竟何處當年出門人歸來問墳墓人生信如寄努力須及時昔人已不作增我少壯悲

大父吾未見曾無一硯畱趨庭聞典型仿佛親髯眸昨日上墳去松楸如昔好作書慰高堂瀧岡何時表

憶我出門前卻計出門後荒田植良稼迴淵成廣阜人事有乘除陵谷有變遷顧余兩綠鬢能弗悲華年

去年食脫粟今年食麥粥富者已無餘貧者更不足秋來田事畢霖雨無絕期天公何夢夢膏澤須及時

父老道我前寓此鶴鳴軒前臨好山水傍帶花木園軒中亦何

有但有圖與史曉起步竹廊書聲和流水

開軒縱遐睎門對東洲山把釣者誰子嘯傲於其閒吾父居此
久流風有餘馥兒願對青山日日抱書讀

日出半江紅雲來一水綠蒼蒼雲水光飛滿東西屋江山果奇
秀天地劇清曠試誦白雲篇已出青霞上

庭前雙桂樹夭矯凌空虛西風破金粟清香滿屋廬上有明月
光破碎時一露三更花影中欲出不得路

庭前有短松吾祖之所遺

庭前短松爲亭水公所植

婆娑老龍幹精靈如見

之松年二百歲比兒高一尺吾生嗟已晚茲松太奇特

讀書豈不好苦無附郭田還家如作客敝廬無一椽古人帶經
鋤甯復思稼穡莫以百畝功負我三餘力

長安五千里天與蒹葭遠離懷乍觸襟別意已滿眼矯首看白

日何時再別離好憶舊行樂致汝長相思

笑與父老別兒去當弗念幸畱好容顏他日待相見容顏雖已識只此一月中臨行復屢諦歸以告我翁

笑與青山別峰迴成追送荒荒白雲來冉冉長風縱吾志矢金石山靈知如何他日卜重覲弗令羞雲蘿

舟行不覺遠迴首失里閭斜日出山縫厯落明村墟浮蹤如秋鴈歸來復歸去笑指山頭雲兒家定何處

與輯侯舅氏別

吾舅讀書在鄉里日望甥歸如望子青山紅樹尙如昔白髮蒼顏真老矣舊游吾憶雙柴扉新藟正熟苦筍肥清淚夜隨江水長西風吹上渭陽衣阿士歸來無一月恩恩往事何從說笑指春陵尙憶無十六年前舅甥別

次韵畱別陶次卿

四壁紗窗巧貯風，靜懷寒到雨聲中。
隨緣得酒何須醉，覓句題花不必工。
秋後青山都入牕，庭前嘉樹待成叢。
看君正詠陔華什，雅範還聞截髮同。

次卿奉母移居將招余飲

舟中無事出手鐫印觀之

平生諸嗜好，一去嗟無遺。
惟餘切磋友，置我金石閒。
琳瑯徧覓購，刻鏤未憚艱。
常恐我姓名，不及今容顏。
後人有好我，望古窮躋攀。
不如付寸鐵，只此見一斑。
揮刀刷雲根，奇雋相迴環。
急當置匣底，出恐驚塵寰。
從來好奇石，有如守堅關。
千金購寸璧，一

拳轟泰山榮名終可寶。
小技蓋等閒。

湘陰阻風用坡韵

今年卅六旬，遠路居大半。
才知行路難，不減窮途歎。
終日短篷

底勸坐不敢玩酒杯對山傾詩稿如葉散兄弟得諧笑童僕亦
良伴重湖在尺咫程度卜昏旦誰期打頭風顛簸到牀案客舟
繫山牢客膠逐雲亂靜對成無言枯坐忘漱盥念我行急急奈
何歌緩緩待看萬里風直如一箭貫天公意誠嘉欲速先以懦
腹飢自甘食脛寒知憶炭又如安茆茨始可適崇館直當坐待
耳何事席不煖明朝將挂瓢晚餐姑授粢

愛山

詩人愛山如骨肉終日推篷看不足詩人腹底本無詩日把青
山當書讀我今半載湘之陽峯迴嶂揖相扶將嵐光翠色豔如
雨飛來灑我征衣裳轉憶緇塵淡似海山水情懷百無在自知
面目已垢淹卻對青山自慙悔詩人愛山不住山豈知山意殊
所慳白雲送客過江去青山終古懸悲顏

夜酌用坡韵

乍試新醪對夜涼登盤喜得玉鱗香空江天釀前山雪矮屋人
依寸燭光寒意已迎琴石畔笑聲情繞竹煙傷酒酣未惜和衣
睡今夜還家寢定長

早起

舟中無事得早起櫓聲到耳鳴喔伊推窗劇望萬景寂但有紅
日明琉璃爾時形色了無礙朗然心目生清夷卻顧童僕不忍
追嗟爾睡寢眞如癡憶余兒時苦嬉戲三更抱卷頭先敲爾來
百事紛擁腫精神易倦心難疲夜淡足凍不思寢強就堯簞知
非宜魂魄常居寢覺際腰跟訝有神鬼持舟中伸足差可臥一
簞何止萬貫貽吾生自顧尙髫髻少日迴首難重期從今壯耄
不可說但願好寢無醒時

過洞庭

千颿如鷺白紛紛飛向湖中
蹴浪紋大水來觀八百里輕舟直
渡萬重雲山痕盡伏蛟龍影雨氣寒凝鵲鵲軍傳言洞庭主有鳥鵲兵三千
軒樂不張魚鳥靜江天寂寞夜船聞

過湖餘三十里而泊

舟中兀坐如澹山閉門讀書無歲年憑陵巨壑乘迴洲一颿兩
槳隨所便昨舟過湖輕如丸南風送客何閒閒迴頭忽欲聘媚
妍計程過半功未全敲巖繫纜箭在絃平生吸酒如吸川願與
馮伯爲周還湖光酒色相接連酒杯煥勝湖波寒湖中老龍夜
不眠波濤澎湃如鈞天人聲水聲雜悲歡擲杯起立不自安笑
謝龍公觀止矣嘆喟自愧儒生酸

次日晨起知已過洞庭喜甚口占一絕

曉寒白浪高千尺柔櫓一枝搖過來寢醒忽聞舟子語岳陽樓上禮仙回

舟泊湖口

激灩重湖口蒼茫古渡頭櫓聲多似鴈人影小如鷗歲熟魚偏賤山晴樹未秋神仙不可遇懶上岳陽樓

曉起作

小窗曲衆透晴暉白鷺依檣自在飛客路且欣隨日短鄉音漸覺隔船稀谿頭水淨便行汲篷背煙銷競曝衣儻欲誅茆隨處好沿湖多少釣魚磯

老漁

白髮滄江變低頭作老漁移舟來問客有酒更多魚我欲詢名姓因之問里閭無言搖櫓去日落暝煙虛

柁

一柁孤羈扛船底終夜兀兀鳴不已似語天寒歲云暮游子胡
爲在萬里嗟余首夏辭長安南溟誓逐鵬鵬搏誰期有璞不可
獻溪山宛轉徒自看揚颿忽復泛湘水倚闥人在浮雲端乾坤
俯仰萬感集霜葉作語多辛酸何年持節與王事萬里乘風等
兒戲方期乘木濟大川莫再蒙頭戀朝寐

十一月初八日舟中夜坐飢甚

詩人之腹飢生芒作氣恣躍爲文章天公吝我以稻粱要以萬
象塞我腸仲冬始寒天雨霜一鐙伴客慘不光雷鳴腹底自礪
礪忽爾坐念心憂傷我從髫歲離故鄉山中田事漸已忘我翁
一官繫朝廊年年紅粟分太倉東洲回首雲荒荒負郭曾無半
畝糧計惟狂歌與慨慷咀嚙道妙捐秕糠百年飢渴免思量是

爲東山陸氏莊何須早計歸耕桑畫餅成詩強自慰江神大笑
吾非狂

嘉魚阻風

一夜朔風如發覆寒徧萬里之長江舟中客子日枯坐但將兩
耳聞濤瀧青山避人走一一白鷗迎客來雙雙湖波接天不可
渡凍我健筆誰能扛頗憶年年此時日昆季四子據曉窗競讀
奇文逞寒快笑破斗室無幽黜不知門外雪沒砌靜看屋底花
垂釭更淡促郝倒家釀幸有梨栗兼蜂雙談餘頗復憶南國願
乘遠浪浮魚艘今夕何夕在江浦日依南斗眠

帝邦狂風吹癰入寥廓立波卷坐圍崕峴自歎華年等病鶴時
聞叢莽鳴村尤遙憶聯牀甚蕭瑟定吟秋菊多悲腔淡冬歸來
掃雪徑膚冰衣棧得酒降爲汝添鑪說今日殷牀宵浪猶擊撞

天寒歲暮未敢卜且和楚客吟蘭芷

十一月十二日夜泊風甚

舟人叩舷語前途風浪作孤颿如蜺張已逐寒鴉落斜陽時暉
暉墟煙正漠漠忽聞長風呼橫吹浪生腳雜還向前驅崩騰驚
復卻有如銜夙侮乃爾恣一搏危哉萬斛舟恃此一纜弱蛇驚
忽思遁鼠伏不得躍有客方把書掣手已動魄靜念泡影虛不
異浮萍託滄海現一粟去來何所懼倒牀得佳眠單襪不知薄
癡醒風已微馮夷怒成忤不然乘噫氣胡爲憚一攬晨寒得解
纜今夜祝安泊

十四日舟中作

長安遙指白雲邊翦翦蒲颿破暝煙萬里江山知晚歲一汀鷗
鷺讓歸船酒香入骨清無醉詩語禁寒癭欲仙卻憶來時紅雨

送正逢梅熟麥秋天

得家書

半載雙親別家書到已遲遙知出門後總是望歸時兒女中年

感飢寒遠道悲欣聞把杯處一笑已含飴

七月廿日得子

孝友如坡老平生一子由嗟余四昆季得似古人不東閣梅香

候西園鵲草秋書廬定如昔燈火夜窗幽

一路青山影都從別後生坐看黃葉落時見暮雲橫夜雨還鄉

癸秋堂問膳聲新康雙墓好慰汝蓼莪情

外舅魯人先生外姑周氏於八月十六日

合葬前鄉故山

濯足

舟中百事好坐臥隨所便足膩久不濯奇蟬頗妨眠憐爾奔走
材與結清淨緣新柴拾松澗活火煮新泉瓦盞淡沒膝短襟聊

袒肩擗抄到腓拇無令瑕垢纏春風乍入趾縷縷相絡連遂從
兩腳底直上萬髮顛絺巾快一拭起舞乍欲仙童僕顧我笑自
顧良欣然從來萬物理要自卑者先

時已冬仲聞鴈有北翔者

試問隨陽鴈南來定幾旬如何此時夜遠送北歸人放蕩天涯
迹遲迴歲暮身年年洲渚換難問舊時津

曉起

清風埽林霏高霞弄初旭遠岫參差紅寒江不動綠飛鳥深入
雲吾心與相逐忽聞瓶中笙簫醒茶初熟

沙陽阻風一日至夜風甚

江行千里值仲冬半飄晴日猶沖融天公作寒促難轉一夜努
力驅頑風乍聞浪浪走極浦已聽颼颼噓長空神號鬼泣互排

拂巖掀壑掉爭洪濛僵立萬浪不得下肆排千舸當其雄我舟
來從煙水南瞥眼笑墮溟茫中凝思默坐不敢歎妄冀正直神
感通或言鈞天奏帝所竟夕鏗舞才三終簸驚人世自娛戲此
意我欲規天公願借長風一萬里吹我徑落蓬萊宮

次日風少息

萬山東江來風力尙顛獷今晨乍知疲乃爾甘還讓有客安早
眠伏枕聽新漲起推半幅篷但見四野曠寒日不出山遠鷗怯
乘浪回思疇昔夜顛簸到鬢益遽然一寢醒天地已殊狀且吟
江行篇強和篙師唱

是夜風息大晴

昨夜疑無地今宵忽有天星光都到水風力只搖煙村市蕭條
見舟人自在眠燈花開爛漫來日趁歸船

冬至日作

物候尙依然陽和奪歲先晴山霜後綠佳節客中憐甲子荒村
誤時光別牕懸梅花知己著相見是明年

夜坐寒甚

舟搖不能臥更戀殘夜永筆鋒僵欲冰燭本換盈柄船頭試起
步但有波萬頃遠見一火危回看眾星耿潛鱗觸船跳棲鶴隔
林醒舟子方熟眠邨尤來虛警新寒五更至霜痕上衣領

敗筆

才人使筆如使馬走雪揮風治如瀉一毫鋒穎防挫觸四顧丰
神絕瀟灑平生擊拙難自用坐令千兔突如赭敗筆紛紛不堪
數束筍戢戢紛壓輟最憐無罪已遭斥未盡厥能偏易捨嗟哉
山陰已不作流傳筆陣徒相假五雲俗體吾不能萬卷巾箱期

東沙州堂詩卷二
十六
手寫自矜縱軼越規繩未免敝斜到跟蹀誓將擲汝契忘言結
習難忘仍自把百年何僅使萬枝拈豪歎赧殘燈炮

小飲徑醉

千愁全如積一醉倏已忘玉山一頽扶難起竟入萬古之洪荒
元氣不破碎海山何蒼蒼王侯金玉吾不覩何況一葦浮滄浪
古來華胥在何處無乃誤墮無功鄉榜歌忽起寢初轉欠伸一
笑驚滄桑此夕此景是何處欲鐫年月青山傍

自夏口以來江勢曲折舟行甚憊兩日內始得暢行

武昌連延入樊口小舟直滌褭之源其間百折恣天矯至令萬
嶂窮追奔今晨解纜得平浪遠見天末分潮痕有如迂途得夷
軌靜照江水清吾魂艱難萬狀倚定力雋快一舉凌濤門人生
適意有如此浮海更賜扶桑暎

宜陽舟中大雪用坡公江上值雪韵

江波不響泥潛龜晴回雪起鷗不知飄飄已驚客子聽淅瀝訝
有清飈吹推窗劇望杳無際青山不辨睂與髭奔騰元氣裹萬
象鉤擾夜霧疑春漸循卑不逐碕岸轉陵險未覺重岡危彌江
羣林走浩浩噓簾拂幔來絲絲奇哉洪纖盡涵絡我思造物誠
何爲惟天生物愛如子陰陽煦嫗勞攜持年豐歲晏百事罷恐
有滯煥煩膚肌巧出奇葩破岑寂更敷瓊乳膏其兒卻嗤蒲柳
避寒節不偕梅竹娛良時祇余孤艇浪迎枕仰觸斷篷霜壓幃
強呵凍指嚼殘筆忽覩麗景慙幽姿安得枯腸脫寒瘦競吟瑞
語紛淋漓刻畫元功奪神柄鋪揚嘉頌陳天墀不然柴關裏足
麻卻顧梅萼連山披僻行喜見宿麥吐步獵更試重環馳柰何
兩者俱不就戀此清夜雙殘炬獨欣聯牀有叔子片颿千里行

相隨今宵苦冷未可以寢中歸路茫何之

辛巳初度用坡公子由生日韵

君子所樂三吾乃得其一弱植賴天佑敢謂由陰隲挺節期固
存延和儻可必請看桃李姿春秋易華實松柏獨也正雪霜難
挫黜噫余蓬之心塵擾何時畢今茲在羈旅終歲喜逢吉遙知
倚閭人笑謠懸弧室學兒逾廿歲往事榮可筆梅花南北枝爲
兒作生日

舟中看雪

朱門賞雪歌鼓喧書生坐笑吾未屑書生之酸不自知觸手殘
危寒把鐵舟中始覺天地大放眼瓊瑤詫奇絕好乘鼇背一颿
風醉看江南千里雪

舟中置酒一瓶每日可得數錢有餘適矣

平生無酒亦蕭然軟飽三杯得靜眠長日不醒仍不醉此心非
癡亦非禪梅梢香透詩中字雪後情融燄底天更有大瓢能貯
月好培活火試新泉

宜陽阻雪三月初七日解纜行十五里而泊

三日灘頭住輕風縱櫂時似知歸癡急偏放破颿遲雨雪方無
際江天任所之一宵寒澈枕憶我老梅枝

晚泊

泊遲難認酒家帘無數寒鴉送落颿忽訝四山殘雪現已看一
點戍鎗嵌天涯遠颿浮初月獨夜扁舟鎖斷巖時際清平無犬
吠荒城鼓角尙宵嚴

臘八日

遠行千里悲家中百事好年年臘八辰香粥忒一飽僅中剎新

栗檐瓦拾枯棗山糧有菽麥乾蔬雜葵蓼漉以碧澗泉和以青
精稻妙味誇雙弓佳名炫八寶阿母誠劬勞鐫斧手自抱喧騰
擁兒曹溥惠逮婢媼匕箸聽鏗敲瓶盜悉傾倒兩親相顧笑羣
兒猶襁褓一庭有內樂半百竟忘老此日竟何日佳節滯江表
積雪望重重輕風吟悄悄餘米暫可炊溼薪悶難燎曾無一事
戀似有百恨繞歸期苦疲蹇遠鄉增煩惱今晨粥熟時尙祝兒
歸早古人救水歡此義夙所了安得及壯耄都似昔時小

初八日行十餘里

去去十餘里風吹孤柁偏晴梳兩岸雪寒皺一江煙靜聽樵聲
出閒看浪腳圓但求安穩法未敢怨殘年

行路難題瓦店壁

季冬之月天苦寒車輪馬軛來長安平時自謂少年樂此日翻

悲行路難山簇簇兮煙濛濛飛霜著人晴不乾夜驚殘雪睡眼
墮行怨曉月嘶聲酸迴腸日逐車輪轉但恐窮途吾不免雙親
漸老出門難一事無成聞道淺吁嗟乎海水何年西北流紅塵
白足無時休馬蹏亂蹋江山破鈴語競吟天地秋浮生促促如
朝暮何必輪蹏是行路問誰能保百年身不作悠悠行路人

書題壁詩後

今日去時輓他日來時路請從壁上觀便識迴頭處
鴻爪何恩恩浮生原州州六代好江山不隨名士老
富貴浮雲外文章道路中祇愁時世眼半是碧紗籠
何日攜琴劒騎驢任所之行來萬里路看盡九州詩

曉發看月

廿歲依然膝下人三年兩度別雙親尙畱一片兒時月爲照孤

蓬萬里身人面曉霜寒有顙馬蹏殘雪脆無塵歸來已是燒鐙
節好及瓊樓玉宇春

和壁上詩

已是東西南北人不辭嶺海閱艱辛莫教畱得風塵債又作來
生未了因

壁上詩云願將今世風塵債分與來生
緩緩償款書定齋後知爲歷城周通甫

南陽早發

寒星欲到地落月明荒荒問客起何時已在途中央車窄不半
丈坐臥初不遑忽爾念大字何適非吾鄉胡爲怨迢隔相對多
慨慷悲衷不自遣眇然思古皇古皇卷領治穆化非小康其視
萬里外不啻戶與廊製爲舟與車利用達殊方雖然隔瀛壤要
使來梯航誰知千百載彼土而我疆嗷嗷遠行歎繞繞離別腸
或乃尤舟車舟車亦何傷延緣本自縛咎責知誰償何當脫機

械相與追黃唐。閉門有井竈。遠涉有康莊。佇覽閩九州。蕭然如一
一堂。書此告行人。來者共參詳。

和壁上芷羣楊柳枝詞

金谷河陽灞水濱。繫人鞭鐙最憐伊。世閒離別何時了。又見青
青上故枝。

我來正寫北風圖。天末懷人望楚吳。問柳尋梅春不見。有誰折
寄一枝無。

再過昆陽是日大風

昆陽一捷分龍虎。遺廟蒼涼餘此土。驅車重問古原來。亂石騰
風作雷雨。當時銅馬已君王。天爲中興掃戰場。不比東風燒赤
壁。千秋僥倖說周郎。

曉發看月

鷹魂飛越度重關千里長安半夜還明月不知歸路熟十分圓
與照江山

郭店宿卽景口占

煙塵莽莽不知晴萬里長風驚地驚待到月明星朗後四山寒
葉靜無聲

黃河

人世多離別無勞問越燕黃河向東去何日是歸年

滎澤

黃沙極目浩無邊望斷歸鴉塞艸連斜日西飛千嶂轉大河南
倚一城懸人將詩酒填歧路天以風霜鑄少年廣廈長裘他日
事且尋茆屋枕鞍眠

和壁閒王魯之感懷韵

少年身世壯懷深匹馬天涯閱古今自有神龍扶短劒肯將名
馬殉黃金文章恐負經時願詩酒能平學道心破浪乘風是何
日佇看膚寸也成霖

邯鄲旅次感懷用榮澤詩韵

走馬徵歌古道邊知音無處問成連半生文字千篇贖萬里風
雲一劒懸行路悠悠幾荏苒店淡杯豔豔入殘年劇憐早歲何平
叔敗壁題詩醉倒眠

雪

路人行歌正愁絕一枕琴書如抱鐵短劒峻峻凍倚天驚墮千
山萬山雪仙花佛藥無根荻但見浩汗迷天來不辨蓬門與朱
戶倒傾一色裝樓臺漠漠煙邨露行店且喜年豐新米賤高堂
遠鄉憶兒寒岐路悲歌忘歲晏玉京淡處是吾家願借飛瓊一

徑斜好騎仙蜚竟歸去蹋徧萬里寒梅花

雪甚大書於壁

迷空大雪三千尺乾坤凍作梨花坼如萬年不化之老冰結
撰江山無縫白半載征車兩輪滑一夜遲遲寒不發干將笑斬
玉龍迴手拾茆柴煮鱗甲

憶東洲山用前韵

直自江南向日邊吟鞦到處與畱連攜來雙管隨人瘦別後千
山入夢懸未免恩恩成過客誓當緩緩補流年但求粗了浮雲
債穩向東洲老屋眠

余家門對東洲山

東洲艸堂詩鈔卷三

道州 何紹基 子貞

元旦樂城旅次題壁

壬午

春光曉報五雲牋願得陽和徧八埏日麗風薰扶

鳳紀河清海宴息狼煙

重華天子無爲日一統江山大有年補盡世閒離別恨好教寰宇共團圓

正月十二日代內作

何必雙蛾染黛腴自然春色上睂隅

十三日立春

年來識得閨中樂

未老尊章未第夫

高堂半載喜加餐只有思兒淚未乾從此雙花扶愛日莫將離別換團圓

爲郎親製鎖雲囊更貯蘅蕪一瓣香當作瓊瑤報君子生來不
解繡鴛鴦

不用吳綾百錦端不勞官誥五花團江頭翠竹年年好長伴青
松閱歲寒

立春日作

客裏憐佳節頻頻癯老親歸來才幾日笑語得芳辰酒醒江山
冷詩成天地春炎涼都閱盡畱記歲寒身

東魏默淡

蕙抱蘭懷祇自憐美人遙在碧雲邊東風不救紅顏老恐誤青
春又一年

送陳小石南歸應江右省試

登程吐氣已如虹半幅蒲颿一丈篷真面春開廬阜雪吟聲秋

老豫章風文章價貴登科日兒女心淡學道中三載論交無別
贈賡颺早與蒼

重瞳

送周子堅之江右

我昨入門來君已出門去出門入門影如織莫遣明璫委行路
廬山九疊屏風開盤鬱遠抱長江迴中有佳人在空谷三千年
後還歸來幽蘭崇香清可採映雪停煙久相待西江才數妙無
匹其世賢豪憚成悔此生別離何苦辛願勤切磋瑩形神山中
有璞不自獻璞也何恨悲其人他人羨汝看山水山水清光到
眼底乾坤俯仰一懸匏我坐讀書應等耳

研芸弟爲張掖垣師作安舟迎養圖敬書圖後

先生立年游上都我時穉也來趨隅問經宵罷坐歎息吾母老

矣今猶劬三年振策狂

天府萬里脫鞅登蓬壺肥華鸞詰豔緹縹粲彤彤管輝楹閣旋
辭天祿綰墨綬俚諷民事

皇曰俞得祿奉養走書告既悵而許承以吁丸熊墨荻事往矣
矧子從政可弗俱攜囊挈釜逮兒女負牀一孫隨兩奴練波千
里送文檠錦颿雙翼如風蒲慈舟東迅兒南去輪轄未動神先
驅基夙從游戀將別悚然質疑陳古初古人策名在鄉里未聞
紆組沿川途駢暉周道亦偶耳眷言將母何懂乎其餘士庶守
百畝規釃井竈營田廬山中閉門絕軒履堂上洗腆偕妻孥南
陔皇華不同賦陟岵既作醇風渝晚儒貧仕走脫膝今者捧檄
良區區且喜江行等平地更呼山色迎板輿魚新鱉老足甘旨
錦衣康爵相追扶抑聞顯親貴行道第云返哺非能娛老人愛

民如愛子民泣亦泣愉亦愉山城倚江大如盎要長禾黍捐舊
荷播敷雲雨澤瘁瘠孺摩書禮流芬腴農謳士忭阿母笑爲介
秀眉歌蔚于縱有起居八座貴斐然天樂屬能餘重駭憎學貢
所見先生振顏呼起予西風獵獵撼庭樹離思轉腸如輓轡小
言願繼慈竹頌何年更寫甘棠圖

題陶雲汀丈漕河禱冰圖

天威堂堂與冰同光對之使人神悅皇臣心皎皎如冰在抱撫
之使我氣肅而色槁有臣職轉輸持節東南利運卹丁

天語何尊聞而不聞負臣職不聞而聞竭臣力時維仲冬氣慄
以熾天公鑄水爲娛嬉素威元冥萬斧相磨治遂使江天一色
如鐵如石如琉璃漕不達使者坐歎唏有神可禱請禱耳神咋
而起曰我知雲軒兮夙駕驅風伯兮來下風吹臣心上于天以

著冰獨能使冰解亦能使冰凝千般銜尾指

帝京匪臣之續神之靈入告慙

宸聽榜之貞應輝楹楹嗚呼惟神之貞廉讒鑒清矧百爾君子
有天弗畏而有心弗懲曷奉圖日服膺

桂樹

南山有桂樹根柯鬱盤盤獨立宇宙間俛仰亦何寬誰知藤蔓
生隅隙相迴攢芳華冒枝葉牽連踞其端嗟哉其勢不得下桂
樹與之相屈蟠

從蔡樹百處移得黃菊花二盆主人不知也戲以詩謝
秋心奇豔乃如此平時不入寒眼底冷吟寂坐西風多一夜籬
煙縹成綺道枝擎藥如翩翩萬瓣酣垂凝玉光移來矮檐詞瑰
宇融照素月疑初陽今年買菊亦無數細碎升堂滿庭戶後來

居上忽橫絕脫帽看杯爭歎與烏乎日精有真種正色崇嚴壓
儔伍有如金光大力佛坐照諸天眾生俛又如名宦晚歸來黃
冠卻稱仙姿舉蔡侯退食苦尋揆獨玩未許朋羣諳巧偷豪奪
子無恐得隴望蜀余猶貪石根蛩咽林撼撼秋光欲殘我心惜
矜持鄭重媚吾廬蔡侯一夜空相憶

陳秋舫屬題秋齋餞別圖

道光壬午秋家君典試山左卽畱視學余於秋杪奉母
出都將都寓藏書寄存秋舫處手寫目錄以水車連日
運往並車騾俱付之秋舫將作此圖屬先題句

婉婉十年契先看上苑花文章真報

國詞賦早名家

君刻簡學齋詩賦皆家君所命題也

珍重寄書券開關運水車高

齋離別意一卷得秋奢

多時五簋會客止五人來論議幾千載酣嬉無算杯門稀雜賓
至日有好花開一事君輸卻明湖掇早梅君設五簋會客惟五人包慎伯翼定庵及余常在生黃修有與子毅弟一或偶一至它人皆不得與

祭詩辭

皓月當心萬花釀筆心者詩神筆者其役從天外歸自肺腑出
是詩是我爲二爲一神之去兮極天入淵神之來兮風舉雲駕
今人何後古人何先愉詞何拙苦語何便拈髭入甕刻燭傳箋
雕鐫造化摧擢天全非詩非我惟神實專歲云暮矣勞子久矣
鑑焚其香壺有酒矣神其無知吾吟可輟神如有知請竭吾說
願剔凡英更刊奇語摘奧反真揆微出腐屈宋衙官皋周儔伍
貺我一生壽君千古

同子毅弟早起至岱頂

癸未

曉色澹無邊游憑足力先石根淡不土山色古於天日上高霞
直氛清大地圓俛看登陟處人事起炊煙

賦得春柳

以雙柑聞鶯分韻

年年風雨池亭路柳岸曾停畫樂雙鶯影已隨飛絮遠芳心今
到早春降參差送客青連袖婉孌依人綠過江多恐長條畱不
住樹根卻羨老漁艘

垂絲十萬盡絳絳客子行來綠上擔不辨春煙接春水好從江
北望江南連番組繡風齊翦昨夜樓臺雨半酣試看鵝兒新著
色已應壓酒勝黃柑

幾處鱗鱗作浪紋漫愁羌笛不堪聞關心潮岸枝誰折到眼章
臺夢已紛何逐桃紅矜豔質要將雪白鬪奇文東風漏洩今如
許莫著韶光便十分

韶光縱得長如許難遣天涯賦別情萬點飛花爭晚渡一鉤新月繫江城漫依客舍催征騎試聽歌聲荅曉鶯最是春餘三徑好扶疏高節傍先生

由濟南至武定道中作

車行寥寂中轅駒同局促秋心千里來浩蕩迴遠日落日後山紅前山看逾綠何當呼仲子寫此秋林幅

果熟山轉淡試摘味方永十里秋煙林斜陽逐人影

癸未重陽武定試院寄子毅子敬誦華諸弟卽送舅氏行并柬黃帖生吳麟臺林冲厓向筠舫諸君子

寒鴉拍拍天曉蒼西風肅肅生重陽佳節在旅難自貺思如海水不可詳昨日寄書濟南去今日書至言紛湧英英羣季各有字都言今日懷我兄叶乃兄無恙不足歎日侍使節多吉祥前

日劇勞近就宴高堂眠飲增康強倚裳況有數君子攜扶文字
相娛將惟思我母今有語兩耳不聞心則傷大兒隨父在遠道
諸兒羅列難成行次孫近天淚已溢長孫識字笑我弱惟兒有
舅母有弟十八閱歲形參商長風吹沙忽一聚今年何幸同此
堂問我諸姑並兄弟鄉思抽蛹鎮日忙眾甥茱萸競把獻眾婦
學治酒與漿愷然一笑敵百歎舊恨屏戢如逋亡天高日冷萬
嶺肅昨宵一鴈翩南翔兒兮不歸舅將去驪駒在路霜壓裝祇
余姊弟又遠隔念汝甥舅長相望我思至此意愴絕前年今日
何能忘前年東洲桂花發我與舅氏眠同牀牀頭十語九念姊
鼻涕垂四宵浪浪誓當北游覓相見躬耕難給誰具糧今春拮
据竟到此苦戴白髮超關梁誰期暫聚又復去卻緣會少增離
長江北塵土豈慣歷江南風雪方飛揚人生契闊會不免我懷

恩義未可量手撫三甥在髫髻漫云報德真孩狂冀階尺木悅
老念料恐此願無時償聯鑣戰叔舅矜勇年來屢蹶驚蹶霜得
失合散總付後際茲佳節徒慨慷嗟哉墨汁已飽飲據几且欲
論文章海邦人士況極盛科名甲第羅金張諸君元元不自釋
半年筆塚高如牆韜毫滌硯忽就暇把杯趁此吉日良風流太
守頗好事黃封副以大尾羊我方憂旨不敢睨喜聽四座紛飛
觴深慊寂坐獨有念瞥眼不見黃花黃猗猗逸人在空谷忍令
華堂慘不光漫云高韵絕塵世轉虞幽寶多畱藏登高作賦向
何處西崦落日方倘佯我懷苦語不敢出諸君亦各興傷惶各
有家尊並朋戚誰復年年同一方

癸未秋日追懷陳易庭卽錄寄賢弟書庭昆玉

君詩瘦傑如枯桐柯牙迸裂生悲風君身校校與詩競中年欲

稿非山病憶昔送客歸颿斜西江浹處詩人家誰期放手隨搏
沙小鳳不來老鳳嗟謂尊甫石先生寢中見君醒已失林影蕭蕭隔
窗立疑有吟魂呼欲出披衣啟戶月無華仰視皇天歎偏窄

禹城橋宿寄內

寢中歸來殘月耿嬌兒踢牀夜呼餅寢中別去天雨霜走馬不
于臨前岡前岡積石連坤紐播液生雲四飛走朝爲霖雨滋萬
芽帶暝旋歸覆其母遙知問夜來堂前堂上秋寒呼早眠我亦
隨翁在遠道且喜征途百事好客舍一鐙青可憐顧影自疑非
少年山中瓊脂不能採秋懷如病年年在懷安料亦子所歎作
詩寄與重盤桓

蓬萊閣觀海同石蘭墅李小坡歐子進甘搏南子毅子

敬弟

甲申

自余隨侍始行役快陟岱頂凌封壘車旋驛轉二千里浩然卻
復登蓬萊蓬萊閣上今何有江河朝東不回首蜃樓蛟室幻影
空眼底橫波接天走橫波一線入渺茫萬怪仿佛難具詳忽然
濤息不動綠但見日午澹瀉黃昔聞四海之水自天出今知四
海之水自天入乾坤懸匏在元氣太素不滲亦不溢何時虛霸
一破瀆穴水浪浪注其腹天公疾轉避不得日月童童鎖相逐
滋腐渟涵萬牙始傑岳靈川遂迴峙金腥木液勢尤泄駢羽茸
毛數誰紀我欲陰陽爲治風輪催倒鍊滄溟尋劫灰形枯色蛻
求其藝使我一見大造之初胎胡爲遐想不自得令看海水咄
咄空疑哈行衙市月迫官事鎮日搖毫校文字耳後惟聞駭浪
飛瀾迴疑枕驕龍睡今茲傑閣游匪孤同人文筆皆鬱紆仰睇
坡吟等半偈顧余說海真童愚尙憶同儕道幽事爲言樵友終

逖漁止恐九瀛九裨隱不得三湘七澤故鄉之水當何如

甲申六月二十九日登岱

自余初從山下佳陰閉陽開不能顧自余重向汶陽來曉起看
山輒防暮肩輿搖兀山中行細覓昔跡今重經去年大雪今歲
雨山祇不與一度晴巖巖東鎮物所殖右貫北辰左南極淡恐
元胎坐窺得闕液藏輝示不測天門十八盤比似升天難逡巡
玉皇頂泉聲百道生晝寒山頂亦何有寂寞登封臺萬古去浩
浩四野風雲來仙之人兮山中雖有吾不識只愁七十二后一
去無時回當時醇醲豈元化茲山樸立增神恢上儀炳煥鎮寥
闐奇礪數片慘澹無莓苔駕言下山去緣巖指歸路鱗鱗千萬
級興行疾如驚重諦萬松林結根泰山陰下有金泥玉檢太古
字上有三光五緯之流精不石不土蓄溪固折葉擎枝出雷霧

有如卓礫千載豪眼看飛騰去無數祇余再到仍塵緣不能與
爾長留連明日迴頭不可識但見蒼茫落日浪浪煙比屋吹煙
入城郭逢人苦問今游樂敢將咫尺見說神奇但恐幽期負林壑
噫嘻庶幾者目斷吳門馬自非大聖人焉能小天下

與李菊泉錢小能及子愚弟夜游大明湖

蒼蒼出林明月大醉把危卮心自賀晴裏千山宿雪醒閒中一
櫂孤煙破同游數子皆同懷更有穉弟能娛陪半年鷗鷺不到
處老梅驚笑詩人來月光波影浩無涘光窮影極寒雲起近覺
星痕溼一天遙窺岱色青千里我來沛南經兩秋可能百度明
湖游幽懷沈蓄如海水隨緣一瀉安能收亭中過客知無數兩
公杜公鐵公誰與同千古爲攜長吉好歌詞更約錢郎酌樽俎

敬和大人詠梅元韻

綺窗晴敞蓋公堂移得江梅冉冉香高格寒畱官外韵淡宵影
在月中央詩懷對酒猶能澹春意催花未是忙記取園林飛雪
候覓枝歸鶴漫栖皇

題朱季直方印冊乙酉

憶余初識燕園老異書英客爭相造有如萬無中山醪令我入
門先醉倒君時鷄履來逡巡奇氣挫伏藏嶙峋誰期神技出枯
指寸鐵能使萬古奔從來此事關時代金石斷斷不相貸自非
摩壘頡頏前豈能拔戟冰斯隊羨君天秀通垂芒近詣銳入歸
精剛它年彝鉞壯冊府禹鼎再出秦臺僵祇余促促催行路無
緣琢切聯朝暮待我春溟洗翰時憶君佛岫尋碑處

時將隨侍登萊

丁酉冬季直來京師枉顧欣然蓋別來十三年矣猶憶燕園舊游張涑卿周通甫均歸道山陳鹿樵不知今在何許主人蔣伯生棄園歸虞山間甚佳健然亦音信久闊矣何鄰泉楊徵和幸俱無恙亦不審重晤何時季直

非老夕年步車便月美王日通片求方京自戶請
者當日廣然求如十三年前在抱山堂中考彝器談碑
版剝果呼杯淋鵲酣暢光景何可再得冊中拙作乃爾
稱率欲拉碎之轉念少年頑態有上樹日干回之意不
忍割也茲記此以志感云
道光十八年戊戌穀旦

書韓蘇石鼓歌後

西京仁厚騰騶麟中興豁達車馬新創易蝌文搆十鼓別模魚
柳輝千春周雅不編秦什漏幸免箋詰來訟紛天公有意護純
寶翳昧其迹全其神迭更八代韓子出西望作歌餘歎呻蘇公
繼贗竝奇特秋高二華同嶙峋廬陵集錄始辨博辭楊羣繹增
粼玢終看崇庋入太學幽志好古同慰欣陽冰齊名首擇木退
之本是升堂寶唐卿蘇中復吳玉飭絕皆與坡老爲朋羣昔觀
潮碑軼潮州鵲碑章帥近覽諸城畱八分東坡入分題端莊婀娜
竝無匹詎追斯邈猶逡巡如何大筆謝安璽坐看餘子蟠龍雲

始知鍾儒異仙識既匪專究無矯云先後吟哦寄此鼓意象感
激非因循或云嚴密讀難曉或云八九歸遺淪一任摩挲露跟
肘不敢批引勞繩斤冥觀洞入古歎集珊瑚天矯嘉禾陳依然
至寶不雕琢徑與貞璞還元醇噫予昆季生更晚強索彝鉞譚
周秦偶磋百璧范大篆更參八體誦說文竭來秦臺恣模覽益
信此碣尊無倫何當杜門寫萬徧千古一筏求其津故爲兩公
一補憾待鏤玉檢敷

皇勛

時與子毅弟用甄摹獵碣
嵌置學院署四照樓壁

松鶴篇壽董母

雙松何夭矯上有白雲遮煙娛互披拂露悅爭芳華白雲飛上
天遺此新蘭芽一松復枯倒穉蓀如折葭一松遂突兀根節忘
叔朽護蘭復護蓀浸蔭霏春葩千山厚冰雪獨樹聞歎嗟桃李

不敢顧勁節欺風沙

霜鶴夜唧唧喪雄猶有子旁有幼鶴唳初生鶴母死嗟哉兩鶴
雛本自同毛裏脊合飛在原何忍殊彼此食之青琅玕飲以瑤
池水更有眾鳥兒嚶咿待鶴餌兩雛俱長成眾鳥悅不已山溪
綠晚春今知老鶴喜

祭竈詞

歲將盡辰維良竈有祀宜肅將謹告備無弗臧陳於瓠尊於房
列桂酒羅椒漿缶者粟匱者饅長者前幼者旁服肅肅迎蹕蹕
伊何神蘇與張神何氏唯得昌神之來鐙燭光赤其衣朱其裳
拜手告詞則詳惟爾神降福祥佑於家無札殃機有布倉有糧
園無竊垣無僵神之力曷敢忘我唯聞江之揚歲不雨田卽荒
民嗷嗷憂稻梁神正直靈遠揚益乘雲排天闔拜稽首奏玉皇

神歛歔意彷徨彼有土我有疆非吾職增悚惶唯護爾室有慶
令百年長吉康益勉德永薦芳

題子毅畫爲楊惕吾丈

丙戌

是山爭跨雲是雲爭出山山力傑厚雲意慳時恣時綰終古繞
繞於其閒雲光無去亦無住石削峯斜恰成路重重山裏抱琴
人忽盪奇胸閒瀑布瀑心連雲雲化風風聲瀑聲艸樹石色般
般同從來塵氣未到處春根一闕不化長濛濛峯崎萬壑竟迂
阻中有隱者寂寞神游空不瀑而淵不石而峯豈必林而虬豈
必雲而龍山靈叱咤歎我頑一一索景尋真蹤研芸畫此顧我
笑磔磔更有惕吾丈人同此癖丈人足迹輕萬里闢徧齊州好
山水吟肩與鶴竝奇瘦閒意約雲同起止行勝所到青山愁收
取雲光詩卷裏我昔與研雲同至泰岱巔雲海浩浩墮我前一

別逾二年寥中松聲石氣長清涓歸來遇丈人各道所躡窺出
詩各自疑畫者談畫翻益奇天公搆山作雪萬古力遜我塗青
劃白筆一枝作雪借山山借地何如不土不石共遊戲如笑如
睡殊煙巒何如此筆不入四氣春可削而冬鮮秋可腴而夏寒
祇今獻此幅水墨何由乾四壁晴雨已萬變西山作雪猶團圓
西山亦可游誰似畫中寬何當著汝瀑聲裏更寫奇巖闕壑天
公偃蹇窮追攀

閏端午詩和湯薇堂韵時在河南糧道署

丁亥

積霖潭潭滌初暑雲炎日渴相吞吐試看樗火猶半灼共酌蒲
觴快重舉幾家豪翰湖海客各說鄉風分處處佳節彈指二十
年當時爾我在何許薇堂先生舊詞伯獨出雄篇唱高矩撥塵
孤秀千仞石落紙清言萬聲雨自言五度逢此日百念繁洞繭

抽緒身世隨緣本旋磨憂樂織心甚機杼惟欣琴劍對新知亦
復江山緬昔侶我幸嵩游得導師已覺雲嵐到眉宇

閏五月初七日夜半大雨庭水入屋戲作

堂空夜靜雨聲粗驚起先生拍枕呼幽寢幾曾醒蝶鹿破牀先
已化鷗鳬移鐙檢點青瑣客抱被踉蹌赤腳奴卻問杜陵千廣
廈可能不漏一間無

長夏雜詩

披衣敞林扉窗壁色微曉天光尚騰騰我意獨浩浩人家猶閉
戶魂寢苦縈擾安得其茲晨相與寫澄抱及時苟不寤才志皆
非寶淵然靜者性迴立千劫表

天意稍習炎鳥語入亭午好風從南來林葉相媚嫵曲彘短榻
置次第淡杯舉襟懷奪清秋艸樹混太古從來沸鼎中自有冰

雪貯沸鼎有時竭冰雪理無腐

清宵四壁靜兀似溪山淡狂風撼林木萬斛洪濤音栖雀驚且
還砌蟲不復吟邈然澄我觀翛然披我襟浪浪天籟過聆之如
玉琴

連句塵泥巾今夜杯在手高吟石迸落狂叫月西走眼中桃李
花娟秀成老醜根枝欲自媚蟻蟻已先守惟當去柯葉擁腫或
能壽壽夭詎足期且免世娛垢安得杯中客千歲無白首

庭前聚奇石左右相迴環咄哉嶙峋姿作此顧盼顏天骨雖傲
崢各有儔侶歡無心天上雪與爾殊靈頑膏霖有時降氣液乃
相關雲石兩不知在山兮出山

阿連幼嬰疾將壯勢且更盤踞寸膚閒羈牽百節迸養病藉雲
嵐滌念返清靜瑩瑩肺腑地朗與山色映誰知青山靈能活吟

子病益當畫筆殊爭我詩骨硬行將具盤興
病致高
游遲滯

虎爪筍

竹根穿石石虎踞竹學虎騰成虎怒攫拏
山爪齊露清晨鉤鈺破樵履樵斧無聲削爪去堂前苛客把杯
倨見之皆裂涎爭注一握倍敵雙螯柱虎兮虎兮倒臥幾閱春
山春掌指雖出仍藏身清剛之氣可以化俗腑世閒龍肉徒紛
紛待余食飽縱汝抉雲走慎勿轉躍石底砢砢先求伸

題南陂清曉圖爲湯薇堂廣文作

晨煙一抹空中起披衣度林者誰子初陽曠曠破氛出晃入南
陂澹澹水水心百尺平不波微漪忽似浮輕羅閒中一動萬影
作波光日色相婆娑新荷亂蘸豔如立任爾風濤鎮相激好花

亭亭不自媚，照見先生坐。吟色先生仙，才根道心臨。淵獨嘯，忘昔今。俠骨峻嶒，膽櫛具禪襟。華妙栖瑤琴，一官岨岨瘳成竹。千詩琅琅韻如玉，懺來雲海半生忙。種得荷田三畝足，水香庭豔皆奇胎。丹霞碧月爲徘徊，肺腑文章抱冰雪。餘波綺麗能樓臺，空山花開露初落。比屋人家猶睡著，靜氣晨芳誰得知。惟有先生共幽鶴。

邯鄲

天上桃花有莫春，仙靈位業也陳陳。如何一枕黃粱後，不見先生再度人。

求仙何必是丹邱，不學長生學遠游。三尺吟肩萬山裏，尙無閒臆到封侯。

得家書

別裏又逢節沈吟念物華家書千里雁客夜一鐙花得慰應偏
擾奏懷詩更賒望雲天北極竟欲泛河槎

而後涼甚

嵩少拚成汗漫游閒庭小院且勾留炎雲作態乍成雨林意無
心偶到秋枕簟新涼聽鳥語樓臺夜色有螢流前山正覺蒼蒼
在路滑煙淡可自由

丁亥中秋楊惕吾丈邀同郡諸君賞月於陳忠潔公祠
余未獲與神往佳集率成一詩竝請達未紫卿雲樵擇
伯緒兄賜和

今年秋節誠佳哉萬里一月明皓皚飛光照人百愁破勝事尤
在城南隈疑山丈人劇好事雋賞初獲呼同儕陳公祠宇甫結
構新徑詰屈無莓苔蕉黃荔丹肅且潔饒籌談塵紛相排猗余

隔城阻行履不獲走與羣賢偕先生此意我所識匪僅撫節爲
娛諧接聯粉社二三子硯塵衣蠹皆天涯悵時懷家易啾唧選
勝尋幽處刺乖惟有明瞻舊相見故山秋好能移來陳公大節
照鄉里年年祀事叨追陪鬱然元精自耿煥令人清氣凌崔嵬
人生百歲幾佳節恐似野馬隨塵埃今宵自有主人在底須悽
語相激催夜淡月氣更放發清到肺腑寒侵骸凝然四顧寂羣
動盡埽萬類歸一眙它年志節諒誰就請念此夕光流杯我雖
異趣卻同感仿佛歎議聞吾齋艸蟲庭際迭喧寂流雲天末空
徘徊終宵嘆惜不可寐坐見旭日東溟催

楊吾丈出示陳公祠下中秋玩月之作奉和元韻

高懷絕塵襟隨緣發奇賞溶溶半庭月兀兀千載想皚然冰雪
性坐對天宇朗沈吟緬先哲感激枉里黨庭花寒更妍妙資秋

氣發擅芬有餘寄撫迹重遐仰佳節迎重陽清風倍蕭爽前山

正臞秀杖策羨孤往

時將往三河看山

壽陶雲汀中丞丈五十初度

江左民如戴佛然豈惟

聖主識臣賢勛名鼎鼎千秋業裘帶垂垂半百年種福早占量
海日吟寒猶記禱冰天遙知東閣梅開偏多少新詩石屋傳

裕州贈周鑑湖刺史

名心如浦江人

臥閣懸鞭奇絕倫方城坐擁簪書身老來放眼無同輩醉後淡
談有古人鉛槧百年官易澹池塘一廛艸難春

哲弟倬雲先生早逝

愛才

果是關情性說士津津類飲醇

後先文字結奇緣有似蛛絲免迹然已向圖書分古福

承贈帖數種

更從槃敦識前賢

席間具道雅存獻之諸先生事

名山落落实千秋鑑靈服潭潭

一掬淵自笑鴛鴦期十鴛前途風雪浩無邊

擬李太白江上吟

戊子

江上吟吟徘徊萬古此明月萬古一酒杯世人齷齪胡爲哉愚者自憐智者無窮涯雲若暈兮南征去蒼梧而不同青山溶溶氣如水一夜春風二千里酒杯照人常少年春心曉墮江波底木蘭柂沙棠舟與君拍拍隨鳧驅鳧驅爛漫櫂歌發霞意風襟共超越迢迢五城十二樓未須仙人藥玉舟孰瓊蘭兮易春而紫蕙兮不秋脫身幽討更何極瑤艸漫山未能拾

留別鄧湘泉丈

獨鶴巢山顛呼吸通沆寥苟非俛瞰觀焉識所寓超羣流正東奔眾絃方務葛蒼然吾丈人古心澄不驕所居城南隅松柏鬱相摻下有千歲根上有百尺條清風時一來遠韻何蕭蕭

行人西到天茫茫幾時佳或指昆侖邱是君息足處半生競驛
力前途惕虛步聞諸吾丈人平直是真路秋來萬花斂霜風撼
庭樹學賦儼幽通作詩無感遇江颿曉當發一戀何能去

岳陽樓

君山好落日畱在半湖秋但見水無際不知身倚樓十年三渡
鴈千里一沙鷗正好乘風去真成汗漫游

黃鶴樓

闕干四面武昌城放眼荆湖百感并一笛仙風隨鶴去千年樹
影隔江晴南來鴻鴈秋霜色東逝波濤落日聲多少興亡共悲
樂未須崔李始題名

策馬游峴山歸飲郡齋畱別鄭芝泉太守

自信無如不朽難古人爲此涕汎瀾誰期片石千秋在畱與兒

童走卒看

壁淚碑尚在

峴上高雲新宇闢

新建羊杜祠

江頭落日古亭寒

峴首亭僅存遺址

清勤太守方長嘯多少名山人倚欄

沿谿傍壑有柴扉選寺尋碑入翠微線路幾盤奇石踞斜陽一
鐙亂山飛雲天對酒忽無際風月滿船吾欲歸輪與習池醉游
在他年杖屐未應違

是日偕游習家池未果

新野書壁

浩渺前途影還如遠去何新霜寒鴈少暮色野風多客子妬鞭
鐙青山虛薛蘿昨游懷峴首誰倚鹿門歌

示張小山丈

細塵僕僕汴城隈要素張侯一醉來試問去年重判袂幾回憶
我此停杯霜前鐵塔寒猶立天外黃流去不同富貴浮名成底
物冷吟閒嘯且徘徊

臨示湯微堂廣文

來往梁園雪候中自憐鴻爪太怱怱
冷花開徧廣文舍昨至尉氏學舍
奉訪杯酒重懷河上公時同雙園
郎閣千颿君聚米平原一馬
不值丈在酒次
我當風一般豪趣禁寒其可有梅枝遠信通

過衛輝

渡河天曉霜百里無寸艸驅車古朝歌
風沙劇晴攪般民不復
遺楚宮迹如埽
義義比干墓屹屹呂望表

見昔年與魯之題壁處有感

何郎裘帽尙翩翩爲羨王郎作宰賢

時爲山別緒乍縈千里外

舊題驚見十年前江山詩句無寒熱
今古浮名孰後先
鄴下風

雲偏好在荒臺遺址野人傳

魯之舊句云多墳誰與無墳好河水祠堂鄴下雲

書壁

棱棱不知寒兀兀不知曙悽悽不逢伴漫漫又忘路朝發湯陰城夕指豐樂戍何處非行人何年無歲莫道逢誰家子金鞭華絡具君行我亦行我住君亦住馳騁忽先後冷煖亦同趣前途竟何極悵望莽煙霧

大悲閣

宋家王氣未蕭條重整精藍作鎮牢人似黃河向南去中原轉見佛身高

行路

行路日牢落壯懷空激昂樽前風捲葉劍外月橫霜醉惜孤花影寒畱野水光樓頭大悲佛眼看世人忙

邯鄲

神仙擔盡世人愁眼看紅塵當遠游棒喝當頭吾醒未一年天

地一年秋余昔年嘗應至一廟老僧引拜諸神像畢入經堂見龍萬寶前半冊皆明末殉難諸臣名籍僧指一人謂曰此君前世也余不覺憶當時事心忤忤動旋取架上經擲之則皆大字佛經行行朱貫心至底漏閱諸函皆然僧曰此子所抹也余大悚汗而醒醒後汗猶浹背雲龍萬寶則一吳姓詩集吳亦殉難中人余獨愛其古風一篇又疑是夢中所見因三復半記之及醒後只記得章末一年天地一年秋一句而已

行人行

行人在地月在天月光初出行人眼行人與月難留連月落星疏夜氛布漆暗中藏大達路一任行人自尋去欲明未明天雨霜其氣慘栗光蒼涼東方豔豔騰初陽飢來思食倦思息行人勞苦居人適萬古行人鎮如織

入都前一日值雪三首

浮光萬里空復空行人直入空明中乾坤混混晝夜壺況問南北兼西東凍雲不復飛野水不復容惡塵不復驚炊煙不復紅

騎犢邨童午猶臥道旁翁仲不復翁惟有行人敝裘在劇冷
偏溫尤濃明朝入門老親笑我兒來自瓊瑤宮

願天無再雪再雪山無蹊願天且莫晴一晴路如泥不晴仍不
雪萬景含明滅不雪妙不晴一片真空明奇哉空明有時滅不
空不明又何說牀頭敗葉差可燒芋子能熟水能熱

靜思萬古先陰氣苦搏結無風雨露雷天地一丸雪四隙騰微
陽百彙競牙槩蒙液與暴寒任爾作嗔悅時當陰極見本根今
日眞靈恣飄瞥世人那得知玉戲詫奇絕惟有幽人覩元造蕭
然一臥太素穴勸君遇梅不復吟雪花六出天地心

阮二泉詩

皇帝御寓初

特詔授奇英孝廉方正科事異局闡爭嫺斌貢野秀磊砢森邦

楨惜哉阮二泉此選國中程雖非孝秀進夙以儒修貞閭史上
其事大府喜且驚既驚卻復歎以例格不行高風久嘖嘖盛節
何泯泯生年十二齡出嗣乾陰傾讀禮柴毀立娛侍諷誨榮教
養我猶子魂慰同產兄至弟出至孝所嗣同所生瑩瑩眾窮獨
繼嗣我與營烈烈三節婦綽楔我請旌家祠與宗譜獨力勇可
擎亦鞠外舅兒亦活鄰母嬰姻族須敬恭本根是扶撐本根既
龐厚抒撫皆樸誠療疫曰錯列利涉閔橋橫室奉佐邑俊叢冢
多新塋凡其所條理眾美難僕更懃懃不劬劬秩秩中權衡延
延可永久懔懔能和平制科雖不就
賜級亦匪輕二泉矧務實本亦不爲名隱居以行義足媿食祿
卿韓公董生行千載同歌賡

和梅林上公五十壽詩

宏毅詡

運麟閣魁懃懃敷歷中外臺榮光照世我公繼也從嶽降崧生
來早歲承華席茅土鴻才報

蒼國兼文武六朝風月八閩雲官集編成皆政譜祇今半百髮未

恩輝炳峙騰瑤闔豈獨介圭作爾寶德音壽考
邦家光

武侯八陣圖

魚復江上沙平鋪茫茫八陣圖遺圖六十四絕各圓滿水激不
動風相呼更有當頭陣石下營迹廢都沔上傳形模或疑古法
沿寶馬我知神智吞孫吳臥龍岡上龍所都我侯此法其龍乎
正奇變化極天矯游關邈迤相蟠扶惜哉天不假以雷雨力坐

令騰賊行恣睢卻聞渡瀘偶用此神光暫掣西南隅龍兮骨蛻
江水吼千秋鱗爪幾處空追慕

大人命題顧南雅丈畫唐梅

金臺書院課士晨驅車早出崇文門京師首善主講尊高才勁
節顧丈人諸生構思靜不紛論文命酒主與賓丈人昔使滇海
濱有梅骨立唐時春主人請貌形與神出紙二丈潤似筠澗水
磨墨載以盆丈人傾墨先得根墨氣已化垂天雲凡物愈古愈
奇逸閱歷世變精靈出何況梅花性屈強豈肯布葉安花守恆
律丈人蹴蹴天與筆懸擊盤旋想精實古梅神來追不及萬葉
萬枝到倉卒忽出橫枝千丈勢化作奇龍來據地不知是花是
鱗甲鼓努迴搏成拗恣擲筆一笑下真宰果是生成不添改世
閒凡卉徒紛紛挽回元氣二千載歸來展向還思堂兒童走看

喜欲狂餽壁不用錦繡裝紙墨十日尙透溼上有黑龍潭下萬
年不動古水光命兒作詩不許怪兒詩已出梅花外萬里同雲
雪來大此是梅花真世界蹋雪走叩丈人廬若斯異景奇情又
是如何畫